

Tipo de máquina	Potencia neta instalada P en kW; Potencia eléctrica Pel ⁽¹⁾ en kW; Masa do aparato m en kg; Largura de corte L en cm	Nivel de potencia acústica admisible en dB/1 pW	
		Fase I a partir do 3.1.2002	Fase II a partir do 3.1.2006
Montacargas para o transporte de materiais de construción, tornos de construción, motosachos. Trituradores de formigón e martelos picadores de man.	P ≤ 15 P > 15 M ≤ 15 15 < m < 30 M ≥ 30	96 83 + 11lg P 107 94 + 11 lg m 96 + 11 lg m 98 + lg P	93 80 + 11 lg P 105 92 + 11 lg m ⁽²⁾ 94 + 11 lg m 96 + lg P
Guindastres de torre Grupos electróxicos de soldadura e de potencia	Pel ≤ 2 2 < Pel ≤ 10 Pel > 10	97 + lg Pel 98 + lg Pel 97 + lg Pel	95 + lg Pel 96 + lg Pel 95 + lg Pel
Motocompresores	P ≤ 15 P > 15 L ≤ 50	99 97 + 2 lg P 96	97 95 + 2 lg P 94 ⁽²⁾
Cortadoras de céspede, máquinas para o acabado do céspede / recortadoras de céspede.	50 < L ≤ 70 70 < L ≤ 120 L > 120	100 100 105	98 98 ⁽²⁾ 103 ⁽²⁾

O nivel de potencia admisible debe redondearse no número enteiro máis próximo (se é inferior a 0,5 utilizarase o número inferior; se é maior ou igual a 0,5 utilizarase o número superior)

⁽¹⁾ P_{el} de grupos electróxicos de soldadura: corrente nominal de soldadura multiplicada pola tensión convencional en carga correspondente ao valor máis baixo do factor de marcha que indica o fabricante.

P_{el} de grupos electróxicos de potencia: enerxía primaria de conformidade coa norma ISO 8528-1:1993, punto 13.3.2.

⁽²⁾ As cifras correspondentes á fase II son simplemente indicativas para os seguintes tipos de máquinas:

- rolos vibratorios con condutor a pe;
- pranchas vibratorias (> 3 kW);
- apisoadoras vibratorias;
- topadoras (sobre eirugas de aceiro)
- cargadoras (sobre eiruga de aceiro > 55 kW);
- carretas elevadoras en beiril accionadas por motor de combustión;
- pavimentadoras con guía de compactación;
- trituradores de formigón e martelos picadores de man con motor de combustión interna (15 < m < 20);
- cortadoras de céspede, máquinas para o acabado de céspede e recortadoras de céspede.

As cifras definitivas dependerán da modificación da Directiva 2000/14/CE, en función do informe previsto no punto 1 do artigo 20 da dita directiva. Se non se producise esa modificación, os valores da fase I seguirían aplicándose na fase II.

⁽³⁾ Para os guindastres móbiles monomotor aplicaranse as cifras correspondentes á fase I até o 3 de xaneiro de 2008. A partir desa data aplicaranse as cifras correspondentes á fase II.

MINISTERIO DE AGRICULTURA, PESCA E ALIMENTACIÓN

7973 *CORRECCIÓN de errores da Orde APA/661/2006, do 3 de marzo, pola que se substitúe o anexo do Real decreto 1682/1997, do 7 de novembro, polo que se actualiza o Catálogo Oficial de Razas de Gando de España. («BOE» 107, do 5-5-2006.)*

Advertido erro no texto remitido para a súa publicación da Orde APA/661/2006, do 3 de marzo, publicada no «Boletín Oficial del Estado», suplemento número 4 en lingua galega, do 1 de abril de 2006, procédese a corruxilo mediante a oportuna rectificación:

Na páxina 638, no anexo, punto 1.2 Especie caprina, onde di: «... Papoya...»; debe dicir: «... Payoya...».

8041

REAL DECRETO 549/2006, do 5 de maio, polo que se modifican o Real decreto 1617/2005, do 30 de decembro, polo que se regula a concesión de dereitos aos agricultores dentro do réxime de pagamento único, e o Real decreto 1618/2005, do 30 de decembro, sobre aplicación do réxime de pagamento único e outros réximes de axuda directa á agricultura e a ganadería. («BOE» 108, do 6-5-2006, e «BOE» 110, do 9-5-2006.)

O Real decreto 1617/2005, do 30 de decembro, polo que se regula a concesión de dereitos aos agricultores dentro do réxime de pagamento único e o Real decreto 1618/2005, do 30 de decembro, sobre aplicación do réxime de pagamento único, e outros réximes de axuda directa á agricultura e á ganadería, estableceron a normativa de aplicación para España dos regulamentos comunitarios que regulan este réxime e estas axudas.

O elevado número de regulamentos comunitarios sobre as axudas á renda dos agricultores, a súa extensión e complexidade e o gran número de modificacións que os